

CICIKOANBADIEGU

BULICINA FASO

Ti baa dógú pò, li yaa dani kúuma, ti baa paadi

GUFENEMA MASOAGINDO

BÀALÓ KOANBÁLA TÁÁNLI
JAGA DOAGIDIMA

(PP-G N°037-2025)

Pengidiwende Silibeedi WEDIRAWOGO

Wagidugu, li binli 2025 piiga n cilie dana 04

Báalo Koanbála táánli den kali Wagidugu
nani ban maani ki tiedi mààma dana lele kúli,
li binli 2025, piiga n cilie dana 04, alaamuda daali
ki cili leerì 9 yogunu ki ban gbeni leerì 11 leni miniti 37,
Kapitenni Ibirayimi TARAWARE, yua n tie ti Diema Yudanciamo
leni a Koanbála Táánli Liigiyua n den gobidi laa táánli.

A Koanbála Táánli den noanli li daali mayula nni
ki tàà a jaga, ki puni i làabáali,
ki dini bi niba a bála li tuonli pò,
ki puni u sanu bi niba n gedi dietoama nni ti Diema yeli pò.

I. A JAGA

I.1. KU CICIKOANBADIEGU KANI

A Koanbála táanli táa **masienkàama tili yenli** ki tuo yaa tuonjaali n todi leni i ligi u gbanansaagu jeliti leni bonceli làabáalitenma tuonsoandiedi (FASIPE) « Wasa Bondo » mabilikàama.

(FASIPE) « Wasa Bondo » tie tuonsoandiedi lie táanme : tini n tie u gbanansaagu leni faaji jeliti findima ligidiegu leni bonceli làabáalitenma tuonsoandiedi ligidiegu.

Laa masienkàama tili táama baa todi u gbanansaagu jeliti leni bonceli làabáalitenma tuonsoandiedi (FASIPE) « Wasa Bondo » n baa yaa mabilikàama n baa todi a tuona cenli ŋamu nani lan bili maama masienkàama tili nni ke li lanba tie n°2014-610/PRES/PM/MEF ki tie yaali ke bi den táa li binli 2014 cilele dana 24 ke li tie ti diema tuona todima ligidiedi.

I.2. YAA KOANBADIEGU N DIIDI TI DIEMA LOAGU LENI I LIGI KANI

A Koanbála táanli tuo **tiwaankàana táa (03)**.

Li tiwaankakpiali tie ke bi **bogini masienkàama tila lele (07)** ki baa pegidi masienkàama tila ya n ŋua ne :

- masienkàama tili lanba n°2014-610/PRES/PM/MEF yaali ke bi den táa li binli 2014 cilele dana 24 ke li tie ti diema tuona todima ligidiedi pò;
- masienkàama tili lanba n°2014-611/PRES/PM/MEF/MFPTSS yaali ke bi den táa li binli 2014 cilele dana 24 ke li tie Bàaló tuonsoanjàana mabilikàama;
- masienkàama tili lanba n°2014-612/PRES/PM/MEF yaali ke bi den táa li binli 2014 cilele dana 24 ke li tie Bàaló tuonsoanjàana ya n tuuni mi banma, ku màásùàgu leni mi tuonbanma sanbila nni mabilikàama;

- masienkàama tili lanba n°2014-613/PRES/PM/MEF yaali ke bi den táa li binli 2014 cilele dana 24 ke li tie Bàaló tuonsoanjàana ya n tuuni mi gobidima sanbili nni;
- masienkàama tili lanba n°2014-614/PRES/PM/MEF yaali ke bi den táa li binli 2014 cilele dana 24 ke li tie Bàaló tuonsoanjàana ya n tuuni u loagu sanbili nni;
- masienkàama tili lanba n°2014-615/PRES/PM/MEF yaali ke bi den táa li binli 2014 cilele dana 24 ke li tie Bàaló tuonsoanjàana ya n tuuni li lááfiáli sanbili nni;
- masienkàama tili lanba n°2014-679/PRES/PM/MEF/MFPTSS yaali ke bi den táa li binli 2014 cinii daali 01 ke li tie Bàaló tuonsoanjàana ya n tuuni bi niba ṇamu sanbili nni.

Li tieni a bina ke bi diidi ki sua ke bi niba coali pugidi a tuonsoanjàana tuona gobidikaaba táana nni. Laa coali puginma teni ke a jaga táama paa ki go pugidi a tuonsoanjàana yeni tugili.

Yaa masienkàama tila ke bi coadi tanpoli ki bua ki pegidi yeni baa todi bi niba coali n wadi a tuonsoanjàana tuona gobidikaaba táana nni.

Laa masienkàama tila baa todi Bàaló tuonsoanjàana gobidiṇanli.

Li tiwaankalieli tuugi leni Bàaló bidise leni o ligikpagu n sedi màama li binli 2025, ciyia dana 30 yogunu.

Li binli 2025 nni Bàaló bidise kani li den bili ke i ligikuake baa fii **miliyaadinba 3 149,79 seefa ligi** ke i ligiṇake mo fii **miliyaadinba 3 612,27 seefa ligi**. I ligisienke fii miliyaadinba 559,04 seefa ligi ke ban bua mi todima yaa ligi a tuona po tie miliyaadinba 462,48 seefa ligi; ti ya biigi li tie 3,2% mi diema báali nni.

Yaa ligi n kua ciyia dana 30 yogunu ki tuugi leni Bàaló bidise li binli 2025 tie **miliyaadinba 2 513,76 seefa ligi**. Ki tuli ban den bili ke yaa ligi n baa kua laa yogu tie **miliyaadinba 2 393,90 seefa ligi**, lani n tie 105,01%. Ti ya boagini laa ligi leni li binli nni yaa ligi kuli n baa kua li tie 76,76%.

Ti ya boagini leni yaa ligi n den kua ciyia dana 30 yogunu li binli 2024 nni, ti sua ke mi puginma tieni yaala n pundi **miliyaadinba 388,15 seefa ligi** lani n tie 18,26%.

I ligiñake táanma ciyia dana 30 yogunu ki tuugi leni Bàaló bidise li binli 2025 tie **miliyaadinba 2 644,33 seefa ligi**, ki sua ban den bili ke yi baa ña tie **miliyaadinba 3 638,75 seefa ligi**, lani n tie a tuonsoankàana 72,67%. Laa yogunu li binli 2024 nni, i ligiñake táanma den tie **miliyaadinba 2 483,44 seefa ligi** lani n tie a tuonsoankàana 67,67%.

Yaala n tie Bàaló ligidiedi nni, yaa ligi n kua li binli 2025 ciyia dana 30 yogunu tie **miliyaadinba 3 611,41 seefa ligi**, ki sua laa yogunu li binli 2024 nni yaa ligi n den kua tie **miliyaadinba 2 897,99 seefa ligi**. Lani n búndi ke mi puginma pundi 24,62%.

Yaa ligi n ñani Bàaló ligikpagu nni táanma li binli 2025 ciyia dana 30 yogunu tie **miliyaadinba 3 726,16 seefa ligi**, ki sua laa yogunu li binli 2024 nni yaa ligi n den ñani tie **miliyaadinba 2 901,31 seefa ligi** ; lani n búndi ke mi puginma pundi 28,43%. Ti ya boagini yaa ligi n kua leni yi n ñani, ti baa sua ke yaa ligi n poadi pundi **miliyaadinba 87 seefa ligi**. Bi táa yaa ligi n den bili ki biini li bonli.

Li binli 2025 ciyia dana 30 yogunu, i ligibilike den tie **miliyaadinba 476,84 seefa ligi** , ke i ligisienke mo poadi **miliyaadinba 236,58 seefa ligi**.

Nani li binli 2025 n caa ki baa juodi yeni, a koanbála táanli puogi ti koanbadiedi leni a tuonsoanjàana ki waani ke oba kuli n da soani yaa tuona n baa cuani yaa ligiñama n kan tuo ki tieni hali ke li binli daa juodi.

A koanbála táanli puni u sanu ban soagini li tiwaankaali yeni depitenba tuonsoankaanu pó.

Li tiwaankataali tuugi leni ban bogini mi masienkàama tili yaali ki tuo i ligi tuonjaali yaali n todi u loagu leni bi niba yema findima Bulicina nni lan tie « Tõogo» (ki cogi Tonhogo).

I ligi tuonjaali yaali n todi u loagu leni bi niba yema findima Bulicina nni « Tõogo» (Tonhogo) tie tuonsoandiedi lele (7) yaadi n den tuuni laa sanbili nni táanma yo.

Laa masienkàama tili táama baa todi i ligi tuonjaali yaali n todi u loagu leni bi niba yema findima Bulicina nni « Tõogo» (Tonhogo) n baa yaa mabilikàama n baa todi a tuona cenli ŋamu nani lan bili màama yaa masienkàama tili lanba n tie n°2014-610/PRES/PM/MEF ki tie yaali ke bi den táa li binli 2014 cilele dana 24 ke li tie ti diema tuona todima ligidiedi pò .

I.3. YAA KOANBADIEGU N DIIDI BÀALÓ SALIWUUDO, A TUONA LENI BI TUONSOANBA YEMA NAMU KANI

A koanbála táanli táa **masienkàama tili yenli** yaali n puni u sanu ban táa Bàaló n bolini yaa tuonjaciama, lan tie li tuonjacionli Mediateeri di Faso leni u tigandu boginma tuonjacionli / SENI tuonsoanba ki kuani ba Bàaló tuonsoanba tili nni .

Tuonsoanba piitáa n binaa (34) yaaba n den tuuni li tuonjaacionli Mediateeri di Faso leni u tigandu boginma tuonjaacionli / SENI kani tie yaaba n baa kua Bàaló tuonsoanba tili nni. Yeni, bi ŋmapani baa yegi leni yaala n ye li báli màama lanba n°081-2015/CNT nni ki tie ban den táa yaama li binli 2015 piiga n ciyendo dana 24 daali ke mi tie yaa báli màama n gobidi Bàaló tuonsoanba.

Laa masienkàama tili táama baa todi Bàaló n bolini yaa tuonjaciama, lani n tie li tuonjacionli Mediateeri di Faso leni u tigandu boginma tuonjacionli / SENI tuonsoanba gobidima pakili n baa u bianu.

I.4. MI NIÑINGBADIMA LENI TORIYABA KOANBADIEGU KANI

A koanbála táanli táa **masienkàama tili yenli** yaali n tuugi leni bi niba yema todima ligi tuonjaali «Seenimin» mabilikàama.

Bi niba yema todima ligi tuonjaali «Seenimin» tie tuonjaana lie ya n den tuuni laa sanbili nni táanma yo.

Laa masienkàama tili táama baa todi bi niba yema todima ligi tuonjaali «Seenimin» n baa yaa mabilikàama n baa todi a tuona cenli ŋamu nani lan bili màama yaa masienkàama tili lanba n tie n°2014-610/PRES/PM/MEF ki tie yaali ke bi den táa li binli 2014 cilele dana 24 ke li tie ti diema tuona todima ligidiedi.

I.5. YAA KOANBADIEGU N DIE TI BUUDI LENI O NISAALO N PIA YAA SANBILA, KI TUUGI LENI A TUONSOANJÀANA KANI

A Koanbála táanli tuo **tiwaankàana naa (04)**.

Li tiwaankakpiali tuugi leni **ban bogini yaa masienkàama tili** ki baa dini li báli ti buudi saliwuudo tidianciama.

Laa masienkàama tili bua ki dini li báli ti buudi saliwuudo tidianciama li Bubuudicagili yaali n baa goa ki buu Bàaló saliwuudo ŋantáadi buudi kani, li Bubuudicagicianli yaali n diidi ti buudi jama n ŋoadi ŋoadi maama kani, li Bubuudicagicianli yaali n baa goa ki buu bi nisaaliba kuli ŋantáadi buudi kani ki pugini Bobo Bubuudicagili yaali n baa goa ki buu bi nisaaliba kuli ŋantáadi buudi kani.

Laa masienkàama tili táama baa teni ban dini li báli **ti buudi saliwuudo tidianciana piiga n bilie (12)** ke lan todi bi tuonsoanba coali n pugini laa bubuudicaga nni nani lan bili màama mi masienkàama tili nni yaali yaa lanba n tie n°2019-1202/PRES/PM/MJ/MINEFID ki tie ban den táa yaali li binli 2019 piiga n cilie dana 3 ki waani lan baa ɲoadi yaa sanbila ban gedini ti buudi saliwuudo tidianlo bubuudicagili nni li tuonli pò, bi ki dini ti buudi saliwuudo tidianciana li báli.

Li tiwaankalieli tuugi leni **ban bogini mi masienkàama tili** yaali ki baa dini li báli ti buudi saliwuudo tidianciana ban tua ti buudi saliwuudo tidianli yudanba.

Laa masienkàama tili bua ki dini li báli ti buudi saliwuudo tidianciana ban tua ti buudi saliwuudo tidianli yudanba li Bubudicagili yaali n baa goa ki buu bi nisaaliba kuli ɲantáadi buudi kani, a Bubudicaga ya n buu i ligi ɲantáadi buudi kani, li Bujiacagili yaali n buu bi tuonsoanba leni bi canbaanba siiga ɲantáadi buudi kani ki pugini li Bubudicagili yaali n buu Bàaló ɲantáadi buudi kani.

Laa masienkàama tili táama baa teni ban dini li báli **ti buudi saliwuudo tidianciana piiga n bilie (12)** ban tua ti buudi saliwuudo tidianli yudanba ban baani yaa bubuudicaga nni nani lan bili màama mi masienkàama tili nni yaali yaa lanba n tie n°2019-1202/PRES/PM/MJ/MINEFID ki tie ban den táa yaali li binli 2019 piiga n cilie dana 3 ki waani lan baa ɲoadi yaa sanbila ban gedini ti buudi saliwuudo tidianlo bubuudicagili nni li tuonli pò, bi ki dini ti buudi saliwuudo tidianciana li báli.

Li tiwaankatáli tuugi leni **ban bogini mi masienkàama tili** yaali ki baa dini li báli ti buudi saliwuudo tidianciana ban kua ti buudi saliwuudo gobidima nni.

Laa masienkàama tili bua ki dini li báli ti buudi saliwuudo tidianciana ban kua ti buudi koanbadiegu tuonjaaciana Wagidugu nni leni yaa bubuudicaga n ye dotoe gobidima nni.

Laa masienkàama tili táama baa teni ban dini li báli **ti buudi saliwuudo tidianciama muu (5)** ban tua ti buudi saliwuudo tidianli yudanba ban kua ti buudi koanbadiegu tuonjaana gobidima nni nani lan bili maama mi masienkàama tili nni yaali yaa lanba n tie n°2019-1202/PRES/PM/MJ/MINEFID ki tie ban den táa yaali li binli 2019 piiga n cilie dana 3 ki waani lan baa njoadi yaa sanbila ban gedini ti buudi saliwuudo tidianlo bubuudicagili nni li tuonli pò, bi ki dini ti buudi saliwuudo tidianciamo li báli.

Li tiwaankatáali tuugi leni **ban bogini mi masienkàama tili** yaali ki baa goa ki pegidi li bujiali báli máama tili yaali yaa lanba n tie n°025-2018/AN ke bi den táa li li binli 2018 cimuu dana 31.

Laa báli máama pegidima bua Bulicina Faso politiko n yegi leni wan pia yaa muali mi biadicianma pò, leni yaa bibiadima n tiedi ti diema tinkuni, leni yaa tuada n tiedi bi niba nni ke laa yegi leni ti màaásúádi, ki pugini bi niba boncianla n kaa nja li báli máama u sanu nni cenli pò.

Li boncanla yaala n tugi yuli laa báli máama tili yaali ke bi bogini yeni niinni tie :

- o nilo miali ñanma cuonu gúanma leni lan baa tagini yaa sanbila;
- u cuonu puginma yaaba n miidi u sanu cenli mabilikàama pò;
- yaa tùada n baa cuani joa leni joa n táani leni yaba bi pua leni pua n táani leni yaba tua kuàli ;
- pua ñiigili leni jaba lie yenma tua kuàli ;
- ki kpa, ki go gedinni dietoama nni ki ban kuadi i ñunbi, ti yuoyuodi leni i táami ki pugini yaa bonla kuli n yegi leni laa yandi tie kuàli ;
- ki ya lindi ki yi nitoa ki go dangi opo mi masoankàama yaama n biā leni telefonni tie kuàli ; moko, li tie kuàli ki ya tiedi bu lánbu ki baa paagi nitoa yama bi ki baa cuani opo yianu, bi ki ya yi fanma fanma Bàaló telefonni lanba yaaba n ki yegi leni pani.

Li bujiali báli máama tili pegidima baa teni ti diema n baa yaa báli máama n baa ŋanbi ki guudi Bulicina Faso niba .

A koanbála táanli puni u sanu ban soagini yaa báli máama tili ke bi bogini yeni depitenba tuonsoandiegu kani.

I.6. YAA KOANBADIEGU N DIE A COGIBIGBENGA CÓGÚ LENI MI BANCANMA LINGINMA TUONA KANI

A Koanbála táanli táa **masienkàama tili yenli** ki tuo yaa tuonjaali n todi leni i ligi u cógú tuona leni mi bancanma lingima « Bangiri bahobo » mabilikàama

Yaa tuonjaali n todi leni i ligi u cógú tuona leni mi bancanma lingima « Bangiri bahobo » tie tuonjaana táa táanma yo. Laa tuonjaana kuli den tuuni u cógú tuona leni mi banma lingima sanbili nne.

Laa masienkàama tili táama baa todi li tuonjaali yaali n todi leni i ligi u cógú tuona leni mi bancanma lingima « Bangiri bahobo » n baa yaa mabilikàama n baa todi a tuona cenli ŋamu nani lan bili màama yaa masienkàama tili lanba n tie n°2014-610/PRES/PM/MEF ki tie yaali ke bi den táa li binli 2014 cilele dana 24 ke li tie ti diema tuona todima ligidiedi pò.

II. I LÀABÁALITENKE

II.1. Yaa koanbadiegu n die mi tagima tuonsoandiedi, u kpendu leni u nuu tuonsoanbanma tuona doagidi a Koanbála táanli pò Gufenema leni Boncelidanba tuonsoancaga táanli yaali n den tieni li binli 2025, piiga n cilo dana 10 leni 11 daali mi piilie n tabualiema po (22) Bobo Julaso dogu nni n den cuoni màama.

Laa táanli den puni ke li báali linginma tuona danba waani bi paka mi diema koanbála ke bi báa ban guani ba yaala. Niba kobinii (800) yaaba n tie Bàaló saliwudo tuonsoanba, boncéli tuonsoancaga danba, yaa caga n ki ye politiki nni danba leni mi findima todima tuona danba n den kali laa táanli.

Gufenema leni Boncelidanba tuonsoancaga táanli mi piilie n tabualiema po (22) mayùli den tie « **A diegbenga leni u loagu tuona findima pò, tin pá ti yùla u báadogu buama tuona pò** ». Laa táanli den todi ki bi báa ki lá ban baa tagini yaa sanbila kani lan cuani mi findima leni Bulicina Faso yùdièdima li báali lingima nni.

II.2. Yaa koanbadiegu n die ku gbanansaagu jeliti tuona, bi nipanba leni a tuona báama puni a Koanbála yaa láabàalu n tuugi leni li ṇandunli nni ku gbanansaagu jeliti táancianli « ku gbanansaagu jeliti Riisi diema nni » mi piiga n tabualitáama (13) pò. Laa táancianli den tieni li binli 2025, piiga n cili dana 05 ki gedi o dana 07, Samara dogu nni, Riisi diema nni.

Bulicina Faso gedima laa táancianli teni ke ti diema báa ki pugini ku dalingu leni Riisi diema ku gbanansaagu jeli nni, ki báa ki doagi Bulicina Faso yeli leni mi diema n pia yaa banma, ki go báa ki lingi yaa tuonjaana nni ke Bulicina báa fidi ki táani ki soani leni Riisi diema. Li yaapo, Bulicina leni Riisi diema den táani ki ñii u táajuogu siédìtili yaala n tie ku mààsùàgu leni ku gbanansaagu jeliti tuona pò.

Laa táancianli mi piiga n tabuatáama pò (13) go den teni ke ti diema báa ki pugini ku dalingu Sayeli táanma cagili dogi leni li ɲanduli dogi siiga kugbanansaagu jeliti tuona nni.

III. BAN DINI YAABA A BÁLA

III.1. BAN DINI YAABA A BÁLA YENDI YENDO TUONA NNI

A. MI DIEMA YUDANCIAMO BADIDIEGU KANI

- O joa Elysé **WEDIRAWOGO**, o lanba li tuonli nni tie **130 456 B**, ki tie bujialo (juuju), dini li báli ki tua Bulicina leni Adisi Abeba diema siiga ntántáadi Tondo.

B. YAA KOANBADIEGU N DIE TI DIEMA TINBUONA GOBIDIMA LENI A SANCENA TUONA KANI

- O joa Andama **BUDA**, o lanba li tuonli nni tie **279 532 E**, ki tie a tikpela kubima tuona Tundikoa, dini li báli ki tua mi jaanma, ti màásùàdi leni a danbogida tuona gobidima Liiga yua;
- O joa Ibrahimi **BARY**, o lanba li tuonli nni tie **247 530 A**, o tie a tinbuona Gobidikoa, dini li báli ki tua mi jaanma sancena boginma Liiga yua;
- O joa Harouna **WEDIRAWOGO**, o lanba li tuonli nni tie **200 341 C**, o tie a tinbuona gobidikoa, dini li báli ki tua a tuadibiadicianma sani tuodi paginma leni a koapaadima sani Liiga yua;
- O joa Daniwulu **KUDA**, o lanba li tuonli nni tie **260 024 C**, o tie a tinbuona Gobidikoa, dini li báli ki tua a koana pààdíma leni mi yanduanma puginma tuona Liiga yua ;
- O pua Adelini **MILLOGO**, o lanba li tuonli nni tie **212 087 T**, o tie a tinbuona Gobidikoa, dini li báli ki tua bi niba tuadiŋama findima leni i jaanbuoli ŋoadima yanbuama tuona Liiga yua;
- **WEDIRAWOGO** pua Mayimuna Pesanma Yiri **TARAWORE**, o lanba li tuonli nni tie **111 303 A**, o tie a tinbuona Gobidikoa, dini li báli ki tua Bàaló báli boagidima leni a dojaana findima tuona gobidima Liiga yua duogili;

- **SOME** pua Kadidiatu **WATARA**, o lanba li tuonli nni tie **97 429 T**, ki tie a tinbuona Gobidikoa, dini li báli ki tua Bàaló báli boagidima juogu tuona Liiga yua
- O joa René **WEDIRAWOGO**, o lanba li tuonli nni tie **247 536 L**, o tie a tinbuona Gobidikoa, dini li báli ki tua a dojaana gobidima tuona Liiga yua;
- O joa Ludoviki Teegiwendé **MINUNGU**, o lanba li tuonli nni tie **212 293 E**, ki tie a tinbuona ñanbima leni a dojaana findima tuona Tundikoa, dini li báli ki tua mu tinmu fanma báama tuona gobidima Liiga yua Bàaló báli boagidima leni a dojaana findima tuona gobidima Tuonsoandieciangu kani ;
- O joa Jan-Mari **WEDIRAWOGO**, o lanba li tuonli nni tie **519 924 V**, o tie kominni polisinba tuona Goandikoa, dini li báli ki tua kominni polisinba tuona findima gobidima Liigi ;
- O joa Lamini **KULIBALY**, o lanba li tuonli nni tie **200 292 E**, o tie a tinbuona Gobidikoa, dini li báli ki tua Bàaló báli boagidima tuona leni Bàaló báli boagidima bandima bangima Liiga yua;
- O joa Filigansi **BAYALA**, o lanba li tuonli nni tie **200 286 R**, o tie a tinbuona Gobidikoa, dini li báli ki tua a dojaana loagi findima todima Liigi yua;
- O joa Karimi **KUMA**, o lanba li tuonli nni tie **73 679 R**, o tie a tinbuona Gobidikoa, dini li báli ki tua kominni tuonsoanba coalì leni bi báabi puginma gobidima Liiga yua;
- O joa Eriki **KONATE**, o lanba li tuonli nni tie **91 952 R**, o tie a tinbuona Gobidikoa, dini li báli ki tua a dojaana niba ligi boginma Liiga yua Bàaló báli boagidima leni a dojaana findima Tuonsoandieciangu kani;
- O joa Souleyimani **NAKANABO**, o lanba li tuonli nni tie **105 193 M**, o tie a tinbuona Gobidikoa, dini li báli ki tua Guiriko Desiyon tuona boginma tila dianma Liiga yua ;

- O joa Taséré **NAKULIMA**, o lanba li tuonli nni tie **59 770 R**, o tie a tinbuona Gobidikoa, dini li báli ki tua Nakanbe desiyon tuona boginma tila dianma Liiga yua;
- O joa Yaya **KONE**, o lanba li tuonli nni tie **200 319 L**, o tie a tinbuona Gobidikoa, dini li báli ki tua Seno porovenso Ho-Komiseero ;
- O joa Sayidu **GIGIMA**, o lanba li tuonli nni tie **91 937 N**, o tie a tinbuona gobidikoa, dini li báli ki tua Basitenga Porovenso Ho-Komiseero;
- O joa Basuleyimani **WATARA**, o lanba li tuonli nni tie **212 095 R**, o tie a tinbuona Gobidikoa, dini li báli ki tua Muhunni porovenso Ho-Komiseero;
- O joa Piel Kilaveri **BANSE**, o lanba li tuonli nni tie **74 751 K**, o tie a tinbuona Gobidikoa, dini li báli ki tua Yatenga porovenso Ho-Komiseero;
- O joa Botétésan **BONU**, o lanba li tuonli nni tie **229 951 J**, o tie a tinbuona Gobidikoa, dini li báli ki tua Gulima porovenso tuona boginma tila dianma Liiga yua;
- O joa Karimi Isimayeli **CIONBIANO**, o lanba li tuonli nni tie **74 690 M**, o tie a tinbuona Gobidikoa, dini li báli ki tua Namantenga porovenso tuona boginma tila dianma Liiga yua;
- O joa Sayidu **WEDIRAWOGO**, o lanba li tuonli nni tie **203 254 K**, o tie a tinbuona gobidikoa, dini li báli ki tua Pasore porovenso tuona boginma tila dianma Liiga yua;
- O pua Rasimata **SAWADOGO**, o lanba li tuonli nni tie **279 341 S**, o tie a tinbuona Gobidikoa, dini li báli ki tua Yatenga porovenso tuona boginma tila dianma Liiga yua ;
- O joa Fawon-niñinè Jan Dasimasene **SOME**, o lanba li tuonli nni tie **324 680 E**, o tie a tinbuona Gobidikoa, dini li báli ki tua Loropeni déparitema Perefé;
- O joa Dê **MILOGO**, o lanba li tuonli nni tie **303 896 S**, o tie tinbuona tuona Boginkoa, dini li báli ki tua Jiguyèra déparitema Perefé ;

- O joa Pasikali **BUDA**, o lanba li tuonli nni tie **116 974 B**, o tie a tinbuona tuona Boginkoa, dini li báli ki tua Samogohiri déparitema Perefefe;
- O joa Mahamadu **SARANBE**, o lanba li tuonli nni tie **91 890 L**, o tie a tinbuona tuona Boginkoa, dini li báli ki tua Yarigatenga deparitema Perefefe ;
- O joa Seyidu Rémi **GIIRA**, o lanba li tuonli nni tie **324 237 B**, o tie a tinbuona Gobidikoa, dini li báli ki tua Busuma deparitema Perefefe;
- O joa Jean Yvi Amedi **SANU**, o lanba li tuonli nni tie **98 056 B**, o tie a tinbuona tuona boginma tila Gobidikoa, dini li báli ki tua Kindi deparitema Perefefe;
- O joa Souleyimane **DIALO**, o lanba li tuonli nni tie **260 415 F**, o tie a tinbuona tuona boginma tila Gobidikoa, dini li báli ki tua Gawongo deparitema Perefefe.

C. YAA KOANBADIEGU N DIIDI TI DIEMA LOAGU LENI I LIGI KANI

- O joa Abidélasisi Landiri **SIDIBE**, o lanba li tuonli nni tie **111 151 T**, ki tie Bàaló ligi tuonsoandiedi tuona gobidikoa, dini li báli ki tua Bulicina Faso nni, li yanwubili tuona ñuadi tuonjaali Goandikoa.

D. YAA KOANBADIEGU N DIE TI DIEMA LENI DIETOAMA SIIGA TUGINMA, TI DIEMA LENI I NIBOANDOGI JUOGU LENI TI DIEMA NIBA YAABA N YE DIETOAMA NNI MAAMA KANI

- O joa Idirisa **SAWADOGO**, o lanba li tuonli nni tie **91 899 K**, ki tie diema leni diema siiga ñantáadi Tundikoa, dini li báli ki tua Bulicina tonda tuonsoandiegu Alise (Aliseeri) dogu nni Cicitundikoa ;
- O joa Salifo **SANGA**, o lanba li tuonli nni tie **91 915 H**, ki tie diema leni diema siiga ñantáadi Tundikoa, dini li báli ki tua Bulicina niba yaaba n ye Pari dogu nni tila tienma tuonsoandiegu liiga yua Duogili;

- O pua Viviane **SURE**, o lanba li tuonli nni tie **49 037 F**, ki tie diema leni diema siiga ntáadi Tundikoa, dini li báli ki tua Koanbáli leni Tundikoa Bulicina Faso tonda tuonsoandiegu kani Ñame (Niseeri) dogu nni.

E. YAA KOANBADIEGU N DIE TI BUUDI LENI O NISAALO N PIA YAA SANBILA, KI TUUGI LENI A TUONSOANJÀANA KANI

- O pua Valéri Lamusa Roseline **DIBIGOLONGO**, o lanba li tuonli nni tie **130 417 N**, ki tie bujialo (juju), dini li báli ki tua li Koanbáli Todikoa.

Bi dini li báli ti buudi saliwudo tidianciana yaaba ya yela n qua ne yaa tuonsoandiedi n tie ne nni :

- O joa Nonganaba Eme **NASA**, o lanba li tuonli nni tie **57 304 Y**, ki tie ti buudi saliwudo Tidianciana, dini li báli ki tua ti buudi saliwudo Tidianciana Yudaano yaa Bubuudicagianli n diidi ti buudi jama n noadi màama kani ;
- O joa Bobido Jan Pasikali **KABORE**, o lanba li tuonli nni tie **97 569 V**, ki tie ti buudi saliwudo Tidianciana, dini li báli ki tua ti buudi saliwudo Tidianciana Yudaano yaa Bubuudicagianli n diidi ti buudi jama n noadi màama kani ;
- **SOME** pua Karija **YATASAYE**, o lanba li tuonli nni tie **104 433 Z**, ki tie ti buudi saliwudo Tidianciana, dini li báli ki tua ti buudi saliwudo Tidianciana Yudaano yaa Bubuudicagianli n diidi ti buudi jama n noadi màama kani ;
- O joa Batèba Silivèri **HEMA**, o lanba li tuonli nni tie **216 598 X**, ki tie ti buudi saliwudo Tidianciana, dini li báli ki tua ti buudi saliwudo Tidianciana Yudaano yaa Bubuudicagili n yen guani ki buu yaa buudi n mali ki jia Wagidigu dogu nni;
- O pua Sabine **SILGA**, o lanba li tuonli nni tie **358 205 E**, ki tie ti buudi saliwudo Tidianciana, dini li báli ki tua ti buudi saliwudo Tidianciana

Yudaano yaa Bubuudicagili n yen guani ki buu yaa buudi n mali ki jia, Wagidigu dogu nni ;

- O joa Amadu **DIALO**, o lanba li tuonli nni tie **216 597 H**, ki tie ti buudi saliwudo Tidianciamo, dini li báli ki tua ti buudi saliwudo Tidianciamo Yudaano yaa Bubuudicagili n yen guani ki buu yaa buudi n mali ki jia Bàaló leni nilo bà bi tuonsoanjaali bà siiga ;
- O joa Demagori **ÑISE**, o lanba li tuonli nni tie **238 094 C**, ki tie ti buudi saliwudo Tidianciamo, dini li báli ki tua ti buudi saliwudo Tidianciamo Yudaano yaa Bubuudicagili n yen guani ki buu yaa buudi n mali ki jia à Bàaló leni nilo bà bi tuonsoanjaali bà siiga;
- O joa Rose **KULIBALY**, o lanba li tuonli nni tie **212 391 U**, ki tie ti buudi saliwudo Tidianciamo, dini li báli ki tua ti buudi saliwudo Tidianciamo Yudaano yaa Bubuudicagili n yen guani ki buu yaa buudi n mali ki jia, Bobo Julaso dogu nni;
- O joa Abudiramani **WATARA**, o lanba li tuonli nni tie **246 710 X**, ki tie ti buudi saliwudo Tidianciamo, dini li báli ki tua ti buudi saliwudo Tidianciamo Yudaano yaa Bubuudicagili n yen guani ki buu yaa buudi n mali ki jia, Bobo Julaso dogu nni;
- O joa Bureyima **BELEMI**, o lanba li tuonli nni tie **59 602 B**, ki tie ti buudi saliwudo Tidianciamo, dini li báli ki tua ti buudi saliwudo Tidianciamo Yudaano yaa Bubuudicagili n yen guani ki buu Bàaló suliwuudo ntántáadi buudi;
- O joa Usimani **DUGURI**, o lanba li tuonli nni tie **212 253 L**, ki tie ti buudi saliwudo Tidianciamo, dini li báli ki tua ti buudi saliwudo Tidianciamo Yudaano yaa Bubuudicagili n buu Bàaló ligi kubili buudi ;
- O joa Filiberi **TINDEREBEWOGO**, o lanba li tuonli nni tie **247 612 B**, ki tie ti buudi saliwudo Tidianciamo, dini li báli ki tua mi diema nni u kpendu leni a diena nni tiadi báama ligi Gobidikoa).

Ti buudi saliwudo tidianciama yaaba ya yela n ŋua ne dini li báli ki tua ti buudi saliwudo tidianla Liigi yaaba yaa bujiadiedi n tie ne nni:

- O joa Kpibikora Thery Maritali **SOME**, o lanba li tuonli nni tie **97 560 W**, ki tie ti buudi saliwudo Tidianciama, dini li báli ki tua ti buudi saliwudo tidianla Liigi yua yaa Bubuudicagili n yen guani ki buu yaa buudi n mali ki jia, Wagidigu dogu nni;
- O joa Yesa Jan Mari **TUYINA**, o lanba li tuonli nni tie **225 921 F**, ki tie ti buudi saliwudo Tidianciama, dini li báli ki tua ti buudi saliwudo tidianla Liigi yua yaa Bubuudicagili n yen guani ki buu yaa buudi n mali ki jia Bàaló leni tuonsoanlo bà bi tuonsoanjaali bà siiga Wagidigu dogu nni ;
- O joa Guwendikuni **KONBASERE**, o lanba li tuonli nni tie **212 251 S**, ki tie ti buudi saliwudo Tidianciama, dini li báli ki tua ti buudi saliwudo tidianla Liigi yua Tugan bubuudidieciangu kani ki go pugini ki tie laa bubuudidieciangu kani Bàaló leni tuonsoanlo bà bi tuonsoanjaali bà siiga buudi jama tidianla Liigi yua;
- O joa Dawuda **WATARA**, o lanba li tuonli nni tie **358 203 C**, ki tie ti buudi saliwudo Tidianciama, dini li báli ki tua ti buudi saliwudo tidianla Liigi yua Orodara bubuudidieciangu kani ki go pugini ki tie laa bubuudidieciangu kani Bàaló leni tuonsoanlo bà bi tuonsoanjaali bà siiga buudi jama tidianla Liigi yua;
- O joa Talato Eriki **SUNGARANA**, o lanba li tuonli nni tie **366 100 X**, ki tie ti buudi saliwudo Tidianciama, dini li báli ki tua ti buudi saliwudo tidianla Liigi yua Pô bubuudidieciangu kani ki go pugini ki tie laa bubuudidieciangu kani Bàaló leni tuonsoanlo bà bi tuonsoanjaali bà siiga buudi jama tidianla Liigi yua;
- O joa Sulemane **WATARA**, o lanba li tuonli nni tie **366 107 N**, ki tie ti buudi saliwudo Tidianciama, dini li báli ki tua ti buudi saliwudo tidianla Liigi yua Nuna bubuudidieciangu kani ki go pugini ki tie laa

bubuudidieciangu kani Bàaló leni tuonsoanlo bà bi tuonsoanjaali bà siiga buudi jama tidianla Liigi yua;

- O joa Boureyima **BARY**, o lanba li tuonli nni tie **105 401 W**, ki tie ti buudi saliwudo Tidianciamo, dini li báli ki tua ii buudi saliwudo tidianla Liigi yua Bobo Julaso bubuudidieciangu kani,;
- O joa Isufi **KONPAWORE**, o lanba li tuonli nni tie **226 334 X**, ki tie ti buudi saliwudo Tidianciamo, dini li báli ki tua ti buudi saliwudo tidianla Liigi yua, Kudugu bubuudidieciangu kani;
- O joa Bukary **NANA**, o lanba li tuonli nni tie **92 556 B**, ki tie ti buudi saliwudo Tidianciamo, dini li báli ki tua ti buudi saliwudo tidianla Liigi yua, Yako bubuudidieciangu kani ki go pugini ki tie laa bubuudidieciangu kani Bàaló leni tuonsoanlo bà bi tuonsoanjaali bà siiga buudi jama tidianla Liigi yua ;
- O joa Wénémana Téwodore **ILIBUDO**, o lanba li tuonli nni tie **57 330 P**, ki tie ti buudi saliwudo Tidianciamo, dini li báli ki tua ti buudi saliwudo tidianla Liigi yua, Kupèla bubuudidieciangu kani ki go pugini ki tie laa bubuudidieciangu kani Bàaló leni tuonsoanlo bà bi tuonsoanjaali bà siiga buudi jama tidianla Liigi yua;
- O joa Isa **SEBOGO**, o lanba li tuonli nni tie **216 605 K**, ki tie ti buudi saliwudo Tidianciamo, dini li báli ki tua Ti buudi saliwudo tidianla Liigi yua Lewo bubuudidieciangu kani ki go pugini ki tie laa bubuudidieciangu kani Bàaló leni tuonsoanlo bà bi tuonsoanjaali bà siiga buudi jama tidianla Liigi yua ;
- O joa Mugowua Luyisi **KO**, o lanba li tuonli nni tie **200 397 H**, ki tie ti buudi saliwudo Tidianciamo, dini li báli ki tua ti buudi saliwudo tidianla Liigi yua, u kpendu máama bubuudidiegu kani Wagadugu dogu nni.

Ti buudi saliwudo tidianciana yaaba ya yela n qua ne dini li báli ki tua ti buudi saliwudo tidianla Liigi yaaba yaa tuonsoandiedi n tie ne nni :

- O joa Soewendipulemidé Dominiki **NIKIEMA**, o lanba li tuonli nni tie **238 384 N**, ki tie ti buudi saliwudo Tidianciamo, dini li báli ki tua a tuadibiada buudi tuonsoandiegu tidianla Liigi yua ti buudi Tuonsoandieciangu kani;
- O joa Yacouba **KABORE**, o lanba li tuonli nni tie **117 330 Z**, ki tie ti buudi saliwudo Tidianciamo, dini li báli ki tua ti buudi saliwudo tidianla cagili yua ti buudi Saliwudo Tuonsoandieciangu kani;
- O joa Uyibila **SAWADOGO**, o lanba li tuonli nni tie **200 401 T**, ki tie ti buudi saliwudo Tidianciamo, dini li báli ki tua yaa tuonsoandiegu n todi ke bi niba báadi bi buudi jama leni a paka danba titianla Liiga yua ;
- O joa Wenné Di Matiasi **SAWADOGO**, o lanba li tuonli nni tie **57 324 V**, ki tie ti buudi saliwudo Tidianciamo, dini li báli ki tua yaa tuonsoandiegu n todi ke bi niba báadi bi buudi jama leni a paka danba titianla Liiga yua ;
- O joa Moussa **GANAME**, o lanba li tuonli nni tie **212 255 J**, ki tie ti buudi saliwudo Tidianciamo, dini li báli ki tua mi bangima leni a tuonsoanjaana kpaagima tuonsoandiegu cagili yua.

F. YAA KOANBADIEGU N DIE MI TAGIMA TUONSOANDIEDI, U KPENDU LENI U NUU TUONSOANBANMA TUONA KANI

- O joa Nomandé Porosiperi **KOLA**, ki tie u loagu tuona bando, leni li bonjekaala kpaabu tuona findima bando, dini li báli ki tua ESENI SITEKI tuonsoanjaali Yudanciamo.

G. LI LÁÁFÍÁLI KOANBADIEGU KANI

- O joa Benewindé Amedé Pieri **TARIBANGIDO**, o lanba li tuonli nni tie **279 609 R**, ki tie ti buudi saliwudo tidianlo, dini li báli ki tua ti buudi leni li koanli/mi janjanma máama gobidima Liigi yua ;

- O joa Yvi **WEDIRAWOGO**, o lanba li tuonli nni tie **16 731 J**, ki tie ti logitodieciandi leni li lááfiáli tuona Gobidikoa, dini li báli ki tua Yaligado WEDIRAWOGO logitodieciangu ligi kubima Liigi yua;
- O pua Elise **ZONGO**, o lanba li tuonli nni tie **358 893 Y**, ki tie ti logitodieciandi leni li lááfiáli tuona Gobidikoa, dini li báli ki tua i ñinyugbaagi paadima cagili ligi kubima Liigi yua.

H. YAA KOANBADIEGU N DIE KU GBANANSAAGU JELITI TUONA, BI NIPANBA LENI A TUONA BAAMA KANI

- O joa Wendilasida Silien **TIENDEREBEWOGO**, o lanba li tuonli nni tie **212 554 B**, ki u loagu liginma leni mi findima tuona Tundikoa, dini li báli ki tua « **i ligi boginma cagili** » Liigi yua ki baa ki tie a tuona kpaagibandima leni a coala tuona Yudanciamo.

III.2. BAN DINI YAABA A BÁLA A TUONSOANJÀANA YELI PÒ

A koanbála táanli den baa ban dini yaaba a bála a tuonjaana tuona boginma pò:

- Yaa tuonsoanjaali n diidi Bulicina nni ban ña ki ban kuadi yaala dietoama po (APEKISI-BULICINA), mi diema nni yaa tuonsoanjaali n diidi li báali tuona findima (ABI), mi diema nni yaa tuonsoanjaali n diidi ki dundagidikaaga, yaa bonbiigikaala n dagidi leni li bonkuadikaala n ɲani ki yaa tie màama (ABENORIMI), yaa koanbadiegu n diidi mi tagima tuonsoandiedi, u kpendu leni u nuu tuonsoanbanma tuona yeli nni;
- Li wula gbili tuonsoanjaali KIAKA SA, Bulicina tinmu tama leni mu piamá bandima tuonsoanjaali (BIMISEBI) leni mi diema nni yaa tuonsoanjaali n diidi ki tinga tungu nni piamá yaama n pia mayùli ki cie (SONASIPE), yaa koanbadiegu n diidi kuuran tuona leni ki tinga tugu nni piamá tuona yeli nni;
- Li tuonsoanjaali Bulicina Suudu Bawudè (BESIBE) a bicegidikaana cógú leni mi tuonsoanbanma bangima koanbadiegu yeli nni;
- Iniverisite Yenbila Abidulayi TOGIYENI (IYATE), Iniverisite Nasi BONI (IYENEBE) leni Iniverisite Lédéya Berinari WEDIRAWOGO (ULEBO) yaa koanbadiegu n die a cogibigbenga cógú leni mi bancanma linginma tuona yeli nni.

A Koanbála táanli go den suagi ki báa ban dini yaaba a bála ke bi tua IniverisiteYenbila Abidulayi TOGIYENI, IniverisiteNasi BONI leni Iniverisite Lédéya Berinari WEDIRAWOGO tuona boginma caga Gobidikaaba.

A. YAA KOANBADIEGU N DIIDI MI TAGIMA TUONSOANDIEDI, U KPENDU LENI U NUU TUONSOANBANMA TUONA KANI

A koanbála táanli táa **masienkàama tila naa (04)**.

Mi masienkàama tikpiali gua ki pandi o joa Olé Arino **KAMI** báli, o lanba li tuonli nni tie **256 193 C**, o tie u cógú tuona kpaagiboginma tundikoa, ke o tua Bàaló yeli pò yaa tuonsoanjaali n diidi Bulicina nni ban ña ki ban kuadi yaala dietoama po (APEKISI-BULICINA) tuona boginma cagili Gobidikoa bu kpaabu, li yanwubili leni mi ñima nni bonpiakaala koanbadiegu kani o bájuodikàali pò bina táa (03) ;

Mi masienkàama tilieli dini o joa Yemidawogo Olivie **KABORE** li báli, o lanba li tuonli nni tie **189**, o tie a coala leni a tuona kpaagibandima tundikoa, ke o tua yaa tuonsoanjaali n diidi Bulicina nni ban ña ki ban kuadi yaala dietoama po (APEKISI-BULICINA) tuona boginma cagily Gobidikoa, Bulicina Faso tiadakaadi kuama leni ti ñama cagili (SEBESE) kani, mi cilima pò, bina táa (03), ki tua o joa Lawudumi Erinesiti SO lebidu.

Mi masienkàama titáali dini li báli o joa Ñegire Seyidino Romiali **SOMIDA**, o lanba li tuonli nni tie **23 19 390 L**, o tie politiki tuona bando, ke o tua yaa tuonsoanjaali n diidi li báali tuona findima (ABI) tuona boginma cagily Gobidikoa, Bulicina Faso nni u kpendu leni masini bontagikaala tuonsoankaani cagili (SSI-BF) yeli pò, mi cilima, bina táa (03) pò, ki tua o joa Péñani WARIMA lebidu.

Mi masienkàama tinaali dini li báli o joa Sutongonoma Sitéfani Romariki **KABORE**, o lanba li tuonli nni tie **90 114**, o tie ki dundagidikaaga, yaa bonbiigikaala n dagidi leni li bonkuadikaala n ɲani ki yaa tie màama tuona bando, bi dini o li báli ke o tua yaa tuonsoanjaali n diidi yaa bonbiigikaala n dagidi leni li bonkuadikaala n ɲani ki yaa tie màama tuona boginma cagili Gobidikoa, yaa tuonsoanjaali n diidi ki dundagidikaaga, yaa bonbiigikaala n dagidi leni li bonkuadikaala n ɲani ki yaa tie maama yeli po bina táa (03) pò, ki tua o joa Bahilama Musa SURABIYE lebidu.

B. YAA KOANBADIEGU N DIIDI KUURAN TUONA LENI KI TINGA TUGU NNI PIAMA TUONA KANI

A koanbála táanli táa **masienkàama tila táa (03)**.

Mi masienkàama tikpiali dini li báli o joa Bureyima **WEDIRAWOGO**, o lanba li tuonli nni tie **37 37 105 C**, o tie a coala leni u loagu tuona bando, ke o tua li wula gbili tuonsoanjaali **KIAKA SA** tuona boginma cagili Gobidikoa Báló yeli pò yaa koanbadiegu n diidi ti diema loagu leni i ligi kubima tuona boginma kani bina táa (03) pò, ki tua o joa Erinesiti **KOBORE** lebidu

Mi masienkàama tilieli dini li báli o joa Roberi Josefí **SILIGA**, o lanba li tuonli nni tie **358 757 C**, o tie mu tinmu buoli leni mu tinmu tugu nni piama tuona bando, ke o tua Bulicina tinmu tama leni mu piama bandima tuonsoanjaali (**BIMISEBI**) tuona boginma cagili Gobidikoa Báló yeli pò, yaa koanbadiegu n diidi kuuran tuona leni ki tinga tugu nni piama tuona boginma kani, mi cilima pò, bina táa (03), ki tua o joa Musa **WEDIRAWOGO** lebidu .

Mi masienkàama titáali dini li báli o joa Sugirunoma Fidèli **SAWADOGO**, o lanba li tuonli nni tie **358 763 G**, o tie mu tinmu buoli leni mu tinmu tugu nni piama tuona bando, ke o tua yaa tuonsoanjaali n diidi ki tinga tugu nni piama yaama n pia mayùli ki cie (**SONASIPE**) tuona boginma cagili Gobikoa Báló yeli pò, yaa koanbadiegu n diidi kuuran tuona leni ki tinga tugu nni piama kani, mi cilima pò, bina táa (03) ki tua o joa Sakariya **SAWADOGO** lebidu.

C. A BICEGIDIKAANA CÓGÚ LENI MI TUONSOANBANMA BANGIMA KOANBADIEGU

A koanbála táanli táa **masienkàama tili** ki dini a bála yaa niba yaa yela n nua ne ke bi tua li tuonsoanjaali Bulicina Suudu Bawdè (**BESIBE**) tuona boginma cagili Gobidikaaba mi cilima pò bina táa (03) ;

YAABA N TUA A TUONA BOGINMA CAGA GOBIDIKÀABA BÀALÓ YELI PÒ

A bicegidikaana cógú leni mi tuonsoanbanma bangima koanbadiegu kani :

- O joa Bilesi Benua **YAWO**, o lanba li tuonli nni tie **101 722 E**, o tie a bicegidikaana cógú leni mi tuonsoanbanma bangima cogibicanbaanba tuona goandikoa.

yaa koanbadiegu n die ku gbanansaagu jeliti tuona, bi nipanba leni a tuona baama kani:

- **HIYEN** pua Bakiyéré Kilarisi **HIEN**, o lanba li tuonli nni tie **ANPE 02 21**, o tie li báli máama bando.

Bu kpaabu, li yanwubili leni mi ñima nni bonpiakaala koanbadiegu kani:

- O joa Matiasi **SIDA**, o lanba li tuonli nni tie **200 509 T**, o tie bi niba leni a tuonjaana tuona gobidima tundikoa.

YUA TUA A TUONA BOGINMA GOBIDIKA BULICINA FASO NNI U KPENDU LENI MASINI BONTAGIKAALA TUONSOANKAANI CAGILI (SEMA-BF) YELI PO

- O pua Aminata **KANTIRO**, o lanba li tuonli nni tie **20 17 004**, o tie mi banma leni mi tuonsoanbanma tuona tundikoa.

D. YAA KOANBADIEGU N DIE A COGIBIGBENGA CÓGÚ LENI MI BANCANMA LINGINMA TUONA :

A koanbála táanli táa masienkàama tila lele (07)

Mi masienkàama tikpiali dini a bála yaa niba yaa yela n nua ke bi tua a tuona boginma caga gobidikàaba Báalo yeli pò Iniverisitè Yenbila TOGIYENI kani mi cilima pò bina táa (03).

YAABA N TUA A TUONA BOGINMA CAGA GOBIDIKÀABA BÀALÓ YELI PÒ

**Yaa koanbadiegu n die a cogibigbenga cógú leni mi bancanma linginma
tuona kani:**

- O pua Bintu **SESUMA**, o lanba li tuonli nni tie **59 240 P**, o tie Iniverisité cogibicanbaa, o tua o joa Nikola BARO lebidu ;
- O joa Hige-Roméwo **BASIE**, o lanba li tuonli nni tie **231 917 P**, o tie Iniverisité cogibicanbaa, ki tua o joa Ali SAVADOGO lebidu..

**Yaa koanbadiegu n diidi mi gaanilindima, mi ñima leni i yianbonfuodi
bolinma tuona kani :**

- **DIAWARA** pua Hawa **SANGARE**, o lanba li tuonli nni tie **202 564 Y**, o tie mi gaanilindima tuona goandikoa.

**Yaa koanbadiegu n die i dociami tinbuona boginma leni a dieduankaana
maama kani:**

- O joa Tolo Toma **SERIBO**, o lanba li tuonli nni tie **229 709 D**, o tie mi tinfanma ñanbima bando.

Li lááfiáli koanbadiegu kani :

- O joa Iréné Edimon **SAGIRE**, o lanba li tuonli nni tie **51 312 N**, o tie li lááfiáli tuona boginma gobidikoa.

**Yaa koanbadiegu n die i laabáali, ku màásùàgu, i nii tagima leni yanluadi
goada tuona, Guverinema masoaginlo kani:**

- O joa Bukali **TAWO**, o lanba li tuonli nni tie **216 788 D**, o tie yanluadi goada tuona boginma gobidikoa.

**YAABA N TUA A TUONA BOGINMA CAGA GOBIDIKÀABA YAA
TUONCAGILI N DIIDI INIVERISITE COGIBILA YEMA DAMU,
(SENU) YELI PÒ**

- O joa Médari Alen **BADO**, o lanba li tuonli nni tie **48 368 E**, o tie u cógú saliwuudi diedi gobidima tundikoa.

Mi masienkàama tilieli dini li báli o pua Bintu **SESUMA**, o lanba li tuonli nni tie **59 240 P**, o tie Iniverisite cogibicanbaa, ke o tua Iniverisite Yenbila TOGIYENI tuona boginma cagili Gobidikoa mi cilima pò bina táa (03), ki tua Nikola BARO lebidu.

Mi masienkàama titáali dini li báli yaa niba yaa yela n ɲua ne ke bi tua Iniverisite Nasi BONI tuona boginma cagili Gobidikaaba mi cilima pò bina táa (03).

**YAABA N TUA A TUONA BOGINMA CAGILI KOBIDIKOA BÀALÓ
YELI PÒ**

**Yaa koanbadiegu n die a cogibigbenga cógú leni mi bancanma linginma
tuona kani:**

- O joa Kandayinga Landiri Gi Gabiriyeli **YAMEWOGO**, o lanba li tuonli nni tie **92 856 C**, o tie Iniverisite cogibicanbaa, ki tua o joa Jan Sélesiten KI lebidu ;
- O joa Musa **WEDIRAWOGO**, o lanba li tuonli nni tie **104 827 E**, o tie Bàaló ligi tuona boginma gobidikoa.

**Yaa koanbadiegu n diidi mi gaanilindima, mi ñima leni i yianbonfuodi
bolinma tuona :**

- O joa Fiédi **HAKIEKU**, o lanba li tuonli nni tie **47 793 C**, o tie gadeforenba tuona boginma goandikoa, o tua o joa Péwowulé Kuhuyiwo GOMIÑINBU lebidu.

Li lááfiáli koanbadiegu kani :

- O joa Daramani **SINA**, o lanba li tuonli nni tie **86 658 D**, o tie li lááfiáli tuona boginma gobidikoa.

YUA N TUA A TUONA BOGINMA CAGILI GOBIDI KOA BI TUONSOANBA YEDANMA LINGIMA CAGILI YELI PÒ

- O joa Idirisa **IBIRANGO**, o lanba li tuonli nni tie **257 262 K**, o tie Iniverisite cogibicanbaa.

Mi masienkàama tinaali dini li báli o joa Kandayinga Landiri Gi Gabiriyeli **YAMEWOGO**, o lanba li tuonli nni tie **92 856 C**, o tie Iniverisite cogibicanbaa, ke o tua Iniverisite Nasi BONI tuona boginma cagili Gobidikaaba Liigi yua mi cilima pò bina táa (03), o tua o joa Jan Selesiten KI lebidu.

Mi masienkàama timuuli gua ki pandi **WEDIRAWOGO** pua Patirisia Lisi **SUNGARANA** báli, o lanba li tuonli nni tie **59 245 P**, o tie Iniverisite cogibicanbaa, o tua Bàalò yeli po Iniverisite Lédéya Berinari WEDIRAWOGO tuona boginma cagili gobidikoa mi cilima pò bina táa (03).

Mi masienkàama tiluobili dini li báli yaa niba yaa yela n gua ne ke bi tua Iniverisite Lédéya Berinari WEDIRAWOGO tuona boginma cagili gobidikaaba mi cilima pò bina táa (03).

YAABA N TUA A TUONA BOGINMA CAGA GOBIDI KÀABA BÀALÓ YELI PÒ

Yaa koanbadiegu n die a cogibigbenga cógú leni mi bancanma linginma tuona kani:

- **ILIBUDO** pua Fonyama Elisi **CONBIANO**, o lanba li tuonli nni tie **52 368 A**, o tie Iniverisite cogibicannaa, ki tua o joa Risari SAWADOGO lebidu.

Bu kpaabu, li yanwubili leni mi ñima nni bonpiakaala koanbadiegu kani:

- O joa Ayidara **SAWADOGO**, o lanba li tuonli nni tie **224 234 R**, o tie bu kpaabu tuona bando.

Yaa koanbadiegu n diidi mi gaanilindima, mi ñima leni i yianbonfuodi bolinma tuona kani:

- O joa Ibirayimi **KONATE**, o lanba li tuonli nni tie **327 645 H**, o tie gadeforeenba tuona goandikoa.

Yaa koanbadiegu n die ku gbanansaagu jeliti tuona, bi nipanba leni a tuona baama kani:

- O joa Sasiémiké Abiduli Kaderi **SOMA**, o lanba li tuonli nni tie **334 002 G**, o tie Iniverisite cogibicanbaa.

Li lááfiáli koanbadiegu kani :

- O joa Paligiwendé Senpilisi Eriki **BONKUNGU**, o lanba li tuonli nni tie **85 760 B**, o tie li lááfiáli tuona boginma gobidikoa.

YUA N TUA A TUONA BOGINMA CAGILI GOBIDIKOA INIVERISITE LEDEYA BERINARI WEDIRAWOGO TUONSOANBA YELI PÒ

- O joa Adama **WEDIRAWOGO**, o lanba li tuonli nni tie **345 352 M**, o tie a cogidiena tuona boginma tuonsoanlo.

YUA N TUA A TUONA BOGINMA CAGILI GOBIDIKOA INIVERISITE LEDEYA BERINARI WEDIRAWOGO COGIBILA YELI PÒ

- O joa Uséni **NABASAGA**, o tie Iniverisite cogibila cagili Liiga yua, o báli (a cogibila liiga yua) gbenma.

YUA N TUA A TUONA BOGINMA CAGILI GOBIDIKOA INIVERISITE LEDEYA BERINARI WEDIRAWOGO TUONSOANBA YEDANMA LINGIMA CAGILI YELI PÒ

- O joa Salifu **NIKIEMA**, o lanba li tuonli nni tie **216 984 Z**, o tie Iniverisite cogibicanbaa, o tua o joa Emanuweli WEDIRAWOGO lebidu.

YUA N TUA A TUONA BOGINMA CAGILI GOBIDIKOA YAADIGA DESIYON TINBUONA CAGILI YELI PÒ

- O pua Landirine, **SUNDI** (polieli), o lanba li tuonli nni tie **304 140 L**, o tie a tinbuona gobidikoa ki tua o joa Biréhima SAWADOGO lebidu.

YUA N TUA A TUONA BOGINMA CAGILI GOBIDIKOA MI DIEMA NNI, MI BANGIMA LINGIMA LENI MI TAGIMA SANI BANDIMA TUONSOANJAALI (SERESITE) YELI PÒ

- O joa Sarili **PARIKUDA**, o lanba li tuonli nni tie **58 513 L**, o tie mi mi bancanma lingima tuona Liigayua.

YUA N TUA A TUONA BOGINMA CAGILI GOBIDIKOA YAA TUONCAGILI N DIIDI INIVERISITE COGIBILA TEMA DAMU(SENÜ) YELI PÒ

- o joa Isaka **WEDIRAWOGO**, o lanba li tuonli nni tie **27 217 A**, o tie a biwaala cogibicanbaanbaa tuona gondikoa.

Mi masienkàama tileleeli dini li báli **ILIBUDO** pua Foniya Elisi **CONBIANO**, o lanba li tuonli nni tie **52 368 A**, o tie Iniverisite cogibicannaa, o tua Iniverisite Lédéya **WEDIRAWOGO** tuona boginma cagili gobidikaaba Liigayua, mi cilima pò bina táa (03), ki tua o joa Risari **SAWADOGO** lebidu.



www.sig.gov.bf

Gufenema Masoagindo



Pengidiwende Silibeedi WEDIRAWOGO

O baa Bàaló jaandi leni Tanjoa maalima